



O'ZBEKISTON RESPUBLIKASI VAZIRLAR MAHKAMASINING QARORI

20 22 yil « 19 » avgust

№ 460

Toshkent sh.

Экспортбop қишлоқ хўжалиги маҳсулотларини етиштиришда биологик химоя усулини қўллашни рағбатлантириш чора-тадбирлари тўғрисида

Ўзбекистон Республикаси Президентининг “Ўзбекистон Республикаси Ўсимликлар карантини ва химояси агентлигини ташкил этиш тўғрисида” 2021 йил 15 июлдаги ПҚ–5185-сон қарорини ижро этиш, шунингдек, Экспортбop қишлоқ хўжалиги маҳсулотларини етиштиришда биологик химоя усулини қўллашни рағбатлантириш мақсадида Вазирлар Маҳкамаси қарор қилади:

1. Ўзбекистон Республикаси Президентининг “Ўзбекистон Республикаси Ўсимликлар карантини ва химояси агентлигини ташкил этиш тўғрисида” 2021 йил 15 июлдаги ПҚ–5185-сон қарорида экин майдони тупроғи таркибидаги захарли кимёвий моддалар (пестицид) таҳлили натижасига кўра экспортбop маҳсулотларни етиштиришда биологик ёки алмашлаб экиш усулини қўллашни рағбатлантириш тартибини ишлаб чиқиш назарда тутилганлиги маълумот учун қабул қилинсин.

2. Қуйидагиларни назарда тутувчи Экспортбop қишлоқ хўжалиги маҳсулотларини етиштиришда биологик химоя усулини қўллашни рағбатлантириш тартиби тўғрисидаги низом 1-иловага мувофиқ тасдиқлансин:

Қорақалпоғистон Республикаси, вилоятлар, Тошкент шаҳар ва туманларда (Қувасой шаҳарда) қишлоқ хўжалиги маҳсулотларини етиштиришда биологик химоя усулини қўллашнинг манзилли рўйхатини шакллантириш тартиби;

талабгорларга экспортбop қишлоқ хўжалиги маҳсулотларини етиштиришда биологик химоя усулини қўллаш харажатларининг бир қисмини қоплаш тартиби;

қишлоқ хўжалиги ўсимликларини зараркунанда, касаллик ва бегона ўтлардан химоя қилишда биологик химоя усули қўлланилган майдонлар учун биологик хусусиятга эга бўлган маҳсулотлар мақомининг устунлигини белгилаш мақсадида ҳар бир экин турини ҳисобга олган ҳолда ҳосил йили якуни бўйича бир маротаба субсидия ажратиш тартиби;

қишлоқ хўжалиги ўсимликларининг зараркунандалари, касалликлари ва бегона ўтларга қарши бир гектарга сарфланадиган биологик химоя воситалари (маҳсулот) миқдорини Ўзбекистон Республикаси Қишлоқ хўжалиги вазирлиги

томонидан ишлаб чиқилган қишлоқ хўжалиги экинларини парваришлаш ва маҳсулот етиштириш бўйича **намунавий технологик карта асосида белгилаш тартиби.**

3. Белгилансинки:

а) туманлар (Қувасой шаҳар) ишчи гуруҳи:

талабгорга тегишли ер участкасида келгуси йилда экилиши режалаштирилаётган қишлоқ хўжалиги экинларини жойига чиқиб ўрғанади ва биологик ҳимоя усули қўлланиладиган қишлоқ хўжалиги экинлари турлари ва уларнинг майдонини таҳлил қилади;

талабгорларни экспортбоп қишлоқ хўжалиги маҳсулотлари етиштиришда биологик ҳимоя усулини қўллаш бўйича туман манзилли рўйхатига киритиш бўйича хулосалар тайёрлайди;

ҳар йили **5 июнга қадар** туманда экспортбоп қишлоқ хўжалиги маҳсулотлари етиштиришда биологик ҳимоя усулини қўллаш бўйича туман манзилли рўйхатини шакллантиради;

шакллантирилган туман манзилли рўйхатини ҳар йили **15 июнга қадар** тасдиқланиши ва **20 июнга қадар** ҳудудий ишчи гуруҳига тақдим қилинишини таъминлайди;

б) Ҳудудий ишчи гуруҳи (Қорақалпоғистон Республикаси Ўсимликлар карантини ва ҳимояси агентлиги, вилоятлар ва Тошкент шаҳар Ўсимликлар карантини ва ҳимояси бошқармаси):

туман манзилли рўйхатига киритилган талабгорларнинг ер участкалари, экилиши режалаштирилган қишлоқ хўжалиги экин турлари ва майдонларини таҳлил қилади;

ҳар йили **1 июлга қадар** келгуси йилда ҳудудда экспортбоп қишлоқ хўжалиги маҳсулотлари етиштиришда биологик ҳимоя усулини қўллаш бўйича ҳудудий манзилли рўйхатни шакллантиради;

шакллантирилган ҳудудий манзилли рўйхатни тасдиқланиши ва ҳар йили **5 июлга қадар** Ўзбекистон Республикаси Қишлоқ хўжалиги вазирлигига тақдим қилинишини ташкил этади;

в) Ўзбекистон Республикаси Қишлоқ хўжалиги вазирлиги:

биологик ҳимоя усулини қўллашнинг ҳудудий манзилли рўйхатларни ҳар йили **20 июлга қадар** умумлаштиради, умумий манзилли рўйхатни Вазирлар Маҳкамасига тақдим қилади ва Вазирлар Маҳкамаси томонидан **25 июлга қадар тасдиқланади;**

қишлоқ хўжалиги экинларининг зараркунандалари ва касалликларига қарши курашиш учун республика ҳудудида қўллашга рухсат этилган биологик воситалар рўйхатини **ҳар йили 1 февралга қадар** Қишлоқ хўжалиги вазирлиги расмий веб-сайтига жойлаштиради;

қишлоқ хўжалиги экинларининг зараркундалари, касалликлари ва бегона ўтларга қарши курашишда биологик ҳимоя усулини қўллаш харажатларининг бир қисмини қоплаш бўйича маблағлар ажратилишини таъминлаш;

г) **Ўзбекистон Республикаси Молия вазирлиги** қишлоқ хўжалиги экинлари зараркундалари, касалликлари ва бегона ўтларга қарши курашиш учун биологик ҳимоя воситаларини харид қилиш билан боғлиқ харажатларнинг бир қисмини қоплашга ажратилган маблағларни Қишлоқ хўжалиги вазирлигига ўтказиб бериш учун масъул ҳисобланади.

4. **Ўзбекистон Республикаси Қишлоқ хўжалиги вазирлиги** экспортбop қишлоқ хўжалиги маҳсулотларини етиштиришда биологик ҳимоя усулини қўллаш билан боғлиқ харажатларнинг бир қисмини қоплашга ажратиладиган субсидияни белгиланган муддатларда талабгорларнинг банкдаги асосий ҳисобварағига ўтказиб берсин.

5. **Ўзбекистон Республикаси Молия вазирлиги 2023 йилдан бошлаб** Ўзбекистон Республикаси Давлат бюджети параметрларини шакллантиришда Вазирлар Маҳкамаси томонидан тасдиқланган қишлоқ хўжалиги экинларини етиштиришда биологик ҳимоя усулини қўллаш манзилли дастурига мувофиқ биологик ҳимоя усулини қўллаш билан боғлиқ харажатларни қоплашга зарур маблағларни назарда тутсин.

6. Мазкур қарорнинг бажарилишини назорат қилиш **Ўзбекистон Республикаси Бош вазирининг молия-иқтисодиёт ва камбағалликни қисқартириш масалалари бўйича ўринбосари – иқтисодий тараққиёт ва камбағалликни қисқартириш вазири Ж.А. Қўчқоров** ҳамда **Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича ўринбосари Ш.М. Ғаниев** зиммасига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2022 йил "19" августдаги 460-сон қарорига
илова

**Экспортбоп қишлоқ хўжалиги маҳсулотларини етиштиришда
биологик ҳимоя усулини қўллашни рағбатлантириш
тартиби тўғрисида
НИЗОМ**

1-боб. Умумий қоидалар

1. Ушбу Низом экспортбоп қишлоқ хўжалиги маҳсулотларини етиштиришда биологик ҳимоя усулини қўллаш харажатларининг бир қисмини қоплаш тартибини белгилайди.

2. Ушбу Низомда қуйидаги асосий тушунчалардан фойдаланилади:

биологик ҳимоя усули – қишлоқ хўжалиги ўсимликларининг зараркунандалари, касалликлари ва бегона ўтларга қарши биологик энтомофаглар, биологик ва микробиологик препаратлар билан курашиш усули;

биостимуляторлар – ўсимликларнинг табиий ўсишини тезлаштирувчи биологик моддалар (фитогормонлар, витаминлар);

биологик хусусиятга эга бўлган маҳсулотлар – биологик энтомофаглар, микробиологик препаратлар, биологик препаратлар, органик ўғитлар ҳамда биостимуляторлар;

биологик энтомофаглар – биофабрика ва биолабораторияларда кўпайтирилиб, қишлоқ хўжалиги ўсимликлари зараркунандаларига қарши курашишда қўлланиладиган биомаҳсулотлар (трихограмма, олтинкўз, бракон ва бошқалар);

биологик препаратлар – қишлоқ хўжалиги ўсимликларини зараркунанда ва касалликлардан ҳимоя қилишда қўлланиладиган микроорганизмлар ва бошқа тирик организмлар асосида ишлаб чиқилган воситалар;

кимёвий моддалар (пестицид) – ўсимликларнинг зарарли организмларига қарши қўлланиладиган кимёвий моддалар;

манзилли рўйхат – Қорақалпоғистон Республикаси Вазирлар Кенгаши ва вилоятлар, Тошкент шаҳар ҳамда туманлар (Қувасой шаҳар) ҳокимликлари томонидан тасдиқланадиган экспортбоп қишлоқ хўжалиги маҳсулотларини етиштиришда биологик ҳимоя усулини қўлловчилар рўйхати;

микробиологик препаратлар – қишлоқ хўжалиги ўсимликларининг зараркунандалари ва касалликларига қарши курашишда қўлланиладиган микроорганизмлар (бактериялар, замбуруғлар ва вируслар);

синов лабораторияси – қишлоқ хўжалиги ва озиқ-овқат маҳсулотларини ишлаб чиқаришнинг барча жараёнларининг техник жиҳатдан тартибга солиш соҳасидаги норматив ҳужжатларда белгиланган талабларга мувофиқлигини текшириш ва қиёслашдан ўтказувчи аккредитацияланган ташкилот;

субсидия – экспортбоп қишлоқ хўжалиги маҳсулотларини етиштиришда биологик ҳимоя воситаларини харид қилишга сарфланган маблағларнинг Ўзбекистон Республикаси Давлат бюджетидан қоплаб бериладиган қисми;

талабгор (ариза берувчи) – қишлоқ хўжалиги маҳсулотларини етиштиришда ўсимликларни ҳимоя қилиш бўйича биологик хусусиятга эга бўлган маҳсулотлардан фойдаланадиган жисмоний ва юридик шахслар;

токсикологик таҳлил – тупроқ ва қишлоқ хўжалиги маҳсулотлари таркибидаги пестицидлар қолдиқ миқдорларининг лаборатория таҳлиллари;

тупроқ агрохимёвий таҳлили – тупроқ таркибидаги ўсимлик учун зарур озуқа элементларининг ҳаракатчан шакллари (ҳаракатчан фосфор, алмашувчан калий ва бошқа микро элементлар) ва гумус миқдорини аниқлаш;

феромон тутқич – табиатда ҳашаротларнинг ҳаракатини бошқарувчи биологик фаол моддалар.

3. Қишлоқ хўжалиги ишлаб чиқарувчиларига экспортбоп қишлоқ хўжалиги маҳсулотлари етиштиришда ўсимликларни зарарқунанда, касаллик ва бегона ўтларга қарши кимёвий ҳимоя воситаларидан фойдаланишдан биологик ҳимоя воситаларидан (маҳсулот) фойдаланишга ўтиш билан боғлиқ харажатларнинг бир қисми қоплаб берилади.

Бунда:

қишлоқ хўжалиги ўсимликларини зарарқунанда, касаллик ва бегона ўтлардан ҳимоя қилишда биологик ҳимоя усули қўлланилган майдонлар учун биологик хусусиятга эга бўлган маҳсулотлар мақомининг устунлигини белгилаш мақсадида ҳар бир экин турини ҳисобга олган ҳолда, ҳосил йили якуни бўйича бир маротаба субсидия ажратилади;

қишлоқ хўжалиги ўсимликларининг зарарқунандалари, касалликлари ва бегона ўтларга қарши бир гектарга сарфланадиган биологик ҳимоя воситалари (маҳсулот) миқдори Ўзбекистон Республикаси Қишлоқ хўжалиги вазирлиги томонидан ишлаб чиқилган Қишлоқ хўжалиги экинларини парваришлаш ва маҳсулот етиштириш бўйича намунавий технологик карта асосида белгиланади;

қишлоқ хўжалиги маҳсулотларини етиштиришда Ўзбекистонда ишлатишга рухсат этилган биологик хусусиятга эга бўлган маҳсулотлардан фойдаланилади, бунда рухсат этилган биологик воситалар (маҳсулот) рўйхати Ўзбекистон Республикаси Қишлоқ хўжалиги вазирлиги томонидан эълон қилинади;

экспортбоп қишлоқ хўжалиги маҳсулотларини етиштиришда биологик ҳимоя усули қўлланилган майдонлар учун ҳар бир экин турини ҳисобга олган ҳолда ҳосил йили якуни бўйича бир маротаба субсидия ажратилади;

талабгорга субсидиянинг базавий ҳисоблаш миқдори биологик ҳимоя усули қўлланилган майдонлар учун биологик ҳимоя воситаларини харид қилишга сарфланган маблағларнинг 50 фоизи миқдорида белгиланади. Бунда сарфланган харажатларнинг субсидиялашдан қолган қисми талабгорларнинг ўз маблағлари ҳисобидан қопланади.

4. Қорақалпоғистон Республикаси Вазирлар Кенгаши, вилоятлар ва Тошкент шаҳар туманлар (Қувасой шаҳар) ҳокимликлари томонидан тасдиқланадиган манзилли рўйхатга (кейинги ўринларда – манзилли рўйхат) асосан экспортбоп қишлоқ хўжалиги маҳсулотларини етиштиришда биологик ҳимоя усулини қўллаган талабгорга субсидия маблағлари ҳар йили 1 декабрга қадар қоплаб берилади.

5. Қишлоқ хўжалиги ўсимликларига биологик ҳимоя усулини қўллаш харажатларининг бир қисми ушбу Низомга 1-иловада келтирилган схемага мувофиқ қопланади.

2-боб. Манзилли рўйхатни шаклантириш тартиби

6. Экспортбоп қишлоқ хўжалиги маҳсулотларини етиштиришда биологик ҳимоя усулини қўллашнинг манзилли рўйхатини шаклантириш бўйича Қорақалпоғистон Республикаси, вилоятлар ва Тошкент шаҳар ҳокимлигида ишчи гуруҳ (кейинги ўринларда – ҳудудий ишчи гуруҳ) ва туманлар (Қувасой шаҳар) ишчи гуруҳлари (кейинги ўринларда – туман ишчи гуруҳи) мазкур Низомга 2 ва 3-иловаларга мувофиқ намунавий таркибда шаклантирилади.

7. Қорақалпоғистон Республикаси Ўсимликлар карантини ва ҳимояси агентлиги, вилоятлар ва Тошкент шаҳар Ўсимликлар карантини ва ҳимояси бошқармаси ҳудудий ишчи гуруҳнинг ишчи органлари (кейинги ўринларда – ҳудудий ишчи орган), Ўзбекистон Республикаси Ўсимликлар карантини ва ҳимояси агентлигининг туман (Қувасой шаҳар) бўлимлари туман ишчи гуруҳининг туман ишчи органи (кейинги ўринларда – туман ишчи органи) ҳисобланади.

8. Талабгорлар ҳар йили 25 майга қадар келгуси йил учун биологик ҳимоя усулини қўллаш бўйича туман (Қувасой шаҳар) ишчи гуруҳининг ишчи органига ушбу Низомга 4-иловада келтирилган шаклга мувофиқ қуйидагилар кўрсатилган ёзма ёки электрон шаклда ариза билан мурожаат қилади:

талабгорга тегишли бўлган ер участкасининг майдони (гектарда), шу жумладан, экин, боғ ва токзорлар майдони;

келгуси йилда экилиши режалаштирилаётган қишлоқ хўжалиги экинлари турлари ва уларнинг майдони (гектарда);

биологик ҳимоя усули қўлланиладиган қишлоқ хўжалиги экинлари турлари ва уларнинг майдони;

9. Туман ишчи гуруҳи:

талабгор аризасини қабул қилади ва уч иш кунида ариза берувчининг мурожаати асосида келгуси йилда экилиши режалаштирилаётган қишлоқ хўжалиги экинлари турлари ва уларнинг майдонларини жойига чиқиб ўрганади;

биологик ҳимоя усули қўлланиладиган қишлоқ хўжалиги экинлари турлари ва уларнинг майдонини таҳлил қилади. Бунда талабгорнинг экспортбоп қишлоқ хўжалиги маҳсулотлари етиштириш учун ер майдонларининг ҳолатини, яъни

тувроқ таркиби, сув таъминоти, шўрланиш даражаси, бегона ўтлардан тозаланганлиги, қишлоқ хўжалик экинларини етиштиришга тайёрлиги, боғлар, узумзор ва бошқа экинларнинг ҳақиқатда экилганлигини (борлигини) аниқлайди;

талабгорнинг аризасини кўриб чиқиш натижаси бўйича талабгорни туман манзилли рўйхатига киритиш ёки рад этиш тўғрисидаги хулосалардан бирини ушбу Низомга 5-иловага мувофиқ шаклда тайёрлайди.

Ер шароитлари, шунингдек, талабгорнинг экин майдонларида тувроқ агрохимёвий ва токсикологик таҳлил натижалари белгиланган меъёрлар даражасида бўлганда, ижобий хулоса берилади ва туман манзилли рўйхатига киритилади.

Талабгорнинг ер шароитлари, экин майдонларида тувроқ агрохимёвий ва токсикологик таҳлил натижалари белгиланган меъёрлар даражаси талабига мос бўлмаганда, салбий хулоса берилади ва туман манзилли рўйхатига киритилмайди.

Талабгор томонидан тақдим этилган ҳужжатларда камчиликлар аниқланганда, талабгор ушбу камчиликларни ўн иш кунида бартараф этиб, ҳужжатларни қайта тақдим этиши мумкин.

Туман ишчи гуруҳи хулосасидан норози бўлган талабгор белгиланган тартибда юқори турувчи органга шикоят қилиши мумкин.

Ҳар йили 5 июнга қадар туманда экспортбоп қишлоқ хўжалиги маҳсулотлари етиштиришда биологик ҳимоя усулини қўллаш бўйича туман манзилли рўйхати шакллантирилади.

Туманда қишлоқ хўжалиги маҳсулотлари етиштиришда биологик ҳимоя усулини қўллаш манзилли рўйхати ҳар йили 15 июнга қадар туман ишчи гуруҳи раҳбари томонидан тасдиқланади.

Тасдиқланган туман манзилли рўйхати ҳар йили 20 июнга қадар ҳудудий ишчи гуруҳининг ишчи органига тақдим қилинади.

Талабгор аризаси қаноатлантирилган тақдирда, туман ишчи гуруҳининг ишчи органи:

талабгорни манзилли рўйхатга киритилганлиги ёки рад этилганлиги тўғрисида бир иш кунида хабардор қилади;

белгиланган тартибда маълумотларни “**efito.uz**” электрон базасига киритади.

10. Ҳудудий ишчи гуруҳи:

туман манзилли рўйхатига асосан талабгорнинг ер участкалари, экилиши режалаштирилган қишлоқ хўжалиги экин турлари ва майдонларини таҳлил қилади;

ҳар йили 1 июлга қадар келгуси йилда ҳудудда экспортбоп қишлоқ хўжалиги маҳсулотлари етиштиришда биологик ҳимоя усулини қўллаш бўйича ҳудудий манзилли рўйхатни (кейинги ўринларда – ҳудудий манзилли рўйхат) шакллантиради.

Худудий манзилли рўйхат худудий ишчи гуруҳ раҳбари томонидан тасдиқланиб, ҳар йили 5 июлга қадар Ўзбекистон Республикаси Қишлоқ хўжалиги вазирлигига тақдим қилинади.

11. Ўзбекистон Республикаси Қишлоқ хўжалиги вазирлиги тақдим этилган худудий манзилли рўйхатни Ўсимликлар карантини ва ҳимояси агентлиги, Ўзбекистон фермер, деҳқон хўжаликлари ва томорқа ер эгалари кенгаши билан биргаликда таҳлил қилади.

12. Қорақалпоғистон Республикаси, вилоятлар ва Тошкент шаҳар бўйича келгуси йилда экилиши ва биологик ҳимоя усулида ишлов берилиши режалаштирилган қишлоқ хўжалиги экин турлари ва майдонларининг умумий манзилли рўйхати ҳар йили 15 июлга қадар Ўзбекистон Республикаси Қишлоқ хўжалиги вазирлиги томонидан Молия вазирлиги, Ўсимликлар карантини ва ҳимояси агентлиги ҳамда Ўзбекистон фермер, деҳқон хўжаликлари ва томорқа ер эгалари кенгаши билан келишилади.

13. Ўзбекистон Республикаси Қишлоқ хўжалиги вазирлиги келишилган умумий манзилли рўйхатни ҳар йили 20 июлга қадар тасдиқлаш учун Вазирлар Маҳкамасига киритади.

14. Умумий манзилли рўйхат ҳар йили 25 июлга қадар Вазирлар Маҳкамаси томонидан тасдиқланади.

3-боб. Экспортбоп қишлоқ хўжалиги маҳсулотларини етиштиришда биологик ҳимоя усулини қўллаш харажатларининг бир қисмини қоплаш тартиби

15. Ўзбекистон Республикаси Молия вазирлиги ҳар йили 1 февралга қадар Давлат бюджетининг асосий параметрлари тасдиқлангандан сўнг биологик ҳимоя усулини қўллаш харажатларининг бир қисмини қоплаш учун республика манзилли рўйхатига мувофиқ белгиланган тартибда Қишлоқ хўжалиги вазирлигига маблағлар ажратилишини таъминлайди.

16. Ўзбекистон Республикаси Давлат бюджетидан ушбу мақсадлар учун ажратиладиган маблағлар ҳисоби Ўзбекистон Республикаси Қишлоқ хўжалиги вазирлигида очиладиган махсус ғазна ҳисобварағида юритилади.

17. Туман (Қувасой шаҳар) ишчи гуруҳининг ишчи органи:

манзилли рўйхатга киритилган талабгор томонидан белгиланган экин турларининг экилиши, парваришланиши ва вегетация давомида биологик ҳимоя усулидаги тадбирлар ўтказилиши бўйича Ўзбекистон Республикаси Ўсимликлар карантини ва ҳимояси агентлиги туман (шаҳар) бўлимларининг агроном-энтмолог инспекторлари орқали мониторинг юритади;

талабгор томонидан қишлоқ хўжалиги экинларини парваришlashда биологик ҳимоя усулини қўллаш тартибининг бузилиши ҳолатлари аниқланган тақдирда, агроном-энтмолог инспектор ушбу талабгорни манзилли рўйхатдан чиқариш бўйича туман ишчи гуруҳига хулоса киритади.

18. Туман (Кувасой шаҳар) ишчи гуруҳи ишчи орган томонидан аниқланган камчиликлар тўғрисидаги маълумот асосида талабгорни унинг иштирокида манзилли рўйхатдан чиқариш масаласини кўриб чиқади ва тегишли хулосани қабул қилади.

19. Талабгор субсидия олиш учун ҳар йили 1 ноябрга қадар туман (Кувасой шаҳар) ишчи гуруҳига ушбу Низомга б-иловага мувофиқ шаклдаги ариза орқали мурожаат қилади.

Талобгорнинг аризасига қуйидагилар илова қилинади:

биологик ҳимоя усули қўлланилган майдонлар (гектарда);

биологик ҳимоя воситаларини харид қилишга сарфланган маблағлар миқдори (сўмда), (ҳисобварақ-фактура, чек ва бошқалар);

биологик ҳимоя усули қўлланилган майдонларда етиштирилган экспортбоп қишлоқ хўжалиги маҳсулотларининг ҳамда ушбу майдонлар тупроғи таркибидаги пестицидлар қолдиғи тўғрисидаги маълумотлар (хулоса), белгиланган тартибда аккредитациядан ўтган агрокимёвий лаборатория таҳлили натижалари;

қишлоқ хўжалиги маҳсулотлари экспорт қилинганлигини тасдиқловчи ҳужжатлар (экспорт шартномаси, юк божхона декларацияси, валюта тушуми ва бошқалар);

талабгорнинг тижорат банкларидаги асосий ҳисобварағи.

20. Туман (Кувасой шаҳар) ишчи гуруҳи ҳужжатларни қабул қилиб олган кундан эътиборан уч иш кунида:

талабгорнинг жорий йилда қишлоқ хўжалиги маҳсулотлари экспорт қилинганлигини тасдиқловчи ҳужжатларини (экспорт шартномаси, юк божхона декларацияси, валюта тушуми ва бошқалар) таҳлил қилади;

талабгорга тегишли бўлган ер участкасида маҳсулот пишиб етилгандан кейин олинган (*жорий йил 1 ноябрга қадар*) лаборатория таҳлил натижаларини ўрганади;

талабгор томонидан биологик ҳимоя усули қўлланилган майдонлар учун биологик ҳимоя воситаларини харид қилишга сарфланган маблағларни тегишли далолатнома асосида расмийлаштиради;

субсидия ажратиш тўғрисидаги хулосаларни умумлаштиради, уларнинг рўйхатларини ҳудудий ишчи гуруҳига кўриб чиқиш ва умумлаштириш учун тақдим этади, бунда тузилган рўйхатларга тегишли далолатномалар ва субсидия ажратиш тўғрисидаги хулосалар илова қилинади.

21. Ҳудудий ишчи гуруҳи беш иш кунида:

туман (Кувасой шаҳар) ишчи гуруҳи томонидан тақдим қилинган субсидия ажратишга тавсия қилинган талабгорлар рўйхатини таҳлил қилади ва умумлаштиради;

умумлаштирилган рўйхатни Қишлоқ хўжалиги вазирлигига тақдим қилади. Бунда умумлаштирилган рўйхатга тегишли далолатномалар ва субсидия ажратиш тўғрисидаги хулосалар илова қилинади.

22. Ўзбекистон Республикаси Қишлоқ хўжалиги вазирлиги:

худудий ишчи гуруҳ томонидан тақдим этилган рўйхатларни ўн иш кунида Ўсимликлар карантини ва ҳимояси агентлиги ҳамда Ўзбекистон фермер, деҳқон хўжаликлари ва томорқа ер эгалари кенгаши билан биргаликда кўриб чиқиб, умумлаштиради ва тасдиқлайди;

якуний рўйхатларга мувофиқ талабгорларнинг биологик ҳимоя усулини қўллаш харажатларининг бир қисмини қоплаб бериш мақсадида ҳар йили 1 декабрга қадар уларнинг тижорат банкларидаги асосий ҳисобварақларига субсидияни ўтказиб беради.

4-боб. Яқунловчи қоидалар

23. Ўзбекистон Республикаси Қишлоқ хўжалиги вазирлиги Ўсимликлар карантини ва ҳимояси агентлиги, Ўзбекистон фермер, деҳқон хўжаликлари ва томорқа ер эгалари кенгаши ҳамда худудий ишчи гуруҳлар билан биргаликда талабгорлар томонидан қўлланиладиган биологик ҳимоя усули мониторингини олиб боради ҳамда юзага келган муаммоларни бартараф қилишда уларга ҳар томонлама кўмаклашади.

24. Талабгорларнинг биологик ҳимоя усулини қўллаш билан боғлиқ харажатлари бир қисмини қоплаш бўйича Давлат бюджетидан ажратиладиган маблағлардан мақсадли фойдаланилиши юзасидан назорат Ўзбекистон Республикаси Молия вазирлиги ҳузуридаги Давлат молиявий назорати инспекцияси томонидан амалга оширилади.

25. Ушбу Низом талабларининг бузилишида айбдор бўлган шахслар қонунчилик ҳужжатларига мувофиқ жавоб берадилар.

Экспортбоп қишлоқ хўжалиги маҳсулотларини
етиштиришда биологик химоя усулини қўллашни
рағбатлантириш тартиби тўғрисидаги низомга
1-илова

**Экспортбоп қишлоқ хўжалиги маҳсулотларини етиштиришда
биологик химоя усулини қўллаш харажатларининг бир қисмини қоплаш
СХЕМАСИ**

Босқичлар	Субъектлар	Тадбирлар	Муддатлар
I. Қорақалпоғистон Республикаси, вилоятлар ва туманлар (Қувасой шаҳар)да қишлоқ хўжалиги маҳсулотлари етиштиришда биологик химоя усулини қўллаш манзилли рўйхатини шакллантириш тартиби			
1-босқич	Талабгорлар (Жисмоний ва юридик шахслар)	Келгуси йил ҳосили учун биологик химоя усулини қўллаш бўйича туман (Қувасой шаҳар) ишчи гуруҳининг ишчи органига ёзма ёки электрон шаклда ариза билан мурожаат қилади.	Ҳар йили 25 майга қадар
2-босқич	Туман (Қувасой шаҳар) ишчи гуруҳи	1. Талабгорнинг мурожаатини жойига чиқиб ўрганади ва қуйидаги хулосаларни тайёрлайди: а) талабгорни манзилли рўйхатга киритади; б) талабгорни манзилли рўйхатга киритишни рад этади. 2. Экспортбоп қишлоқ хўжалиги маҳсулотлари етиштиришда биологик химоя усулини қўллаш туман манзилли рўйхатини шакллантиради. 3. Туман манзилли рўйхатини тасдиқлайди. 4. Тасдиқланган туман манзилли рўйхатини худудий ишчи гуруҳининг ишчи органи – Қорақалпоғистон Республикаси Ўсимликлар карантини ва химояси агентлиги, вилоятлар ва Тошкент шаҳар Ўсимликлар карантини ва химояси бошқармасига тақдим қилади.	3 иш кунида Ҳар йили: 5 июнга қадар 15 июнга қадар 20 июнга қадар
	Туман (Қувасой шаҳар) ишчи гуруҳининг ишчи органи	1. Талабгор манзилли рўйхатга киритилганлиги ёки киритиш рад этилганлиги тўғрисида бир иш кунида хабардор қилади; 2. Белгиланган тартибда маълумотларни “efito.uz” электрон базасига киритади.	1 иш кунида
3-босқич	Худудий ишчи гуруҳи	1. Экспортбоп қишлоқ хўжалиги маҳсулотлари етиштиришда биологик химоя усулини қўллашнинг худудий манзилли рўйхатини шакллантиради ва тасдиқлайди. 2. Тасдиқланган худудий манзилли рўйхатини Ўзбекистон Республикаси Қишлоқ хўжалиги вазирлигига тақдим қилади.	Ҳар йили: 1 июлга қадар 5 июлга қадар
4-босқич	Ўзбекистон Республикаси Қишлоқ хўжалиги вазирлиги	1. Тақдим қилинган худудий манзилли рўйхатларни таҳлил қилади ва умумий манзилли рўйхатни Молия вазирлиги, Ўсимликлар карантини ва химояси агентлиги ҳамда Ўзбекистон фермер, деҳқон хўжаликлари ва томорка ер эгалари кенгаши билан келишади. 2. Келишилган умумий манзилли рўйхатни Вазирлар Маҳкамасига тақдим қилади.	Ҳар йили: 15 июлга қадар 20 июлга қадар
5-босқич	Ўзбекистон Республикаси Вазирлар Маҳкамаси	Экспортбоп қишлоқ хўжалиги маҳсулотлари етиштиришда биологик химоя усулини қўллашнинг умумий манзилли рўйхатини тасдиқлайди.	Ҳар йили 25 июлда

**II. Биологик химоя усулини жорий этиш бўйича харажатларнинг
бир қисмини қоплаш тартиби**

1-босқич	Ўзбекистон Республикаси Молия вазирлиги	Давлат бюджетининг асосий параметрлари тасдиқлангандан сўнг биологик химоя усулини қўллаш харажатларининг бир қисмини қоплаш учун белгиланган тартибда Қишлоқ хўжалиги вазирлигига маблағ ажратади.	Ҳар йили 1 февралга қадар
2-босқич	Туман (Қувасой шаҳар) ишчи гуруҳининг ишчи органи	1. Манзилли рўйхатга киритилган талабгор томонидан белгиланган экин турларининг экилиши, парваришланиши ва маҳсулот етиштиришгача бўлган даврда биологик усулдаги тадбирларнинг қўлланилиши бўйича мониторинг юритади. 2. Талабгор томонидан ўсимликларни биологик усулда химоя қилиш тизимини бузиш ҳолатлари аниқланган тақдирда, талабгорни манзилли рўйхатдан чиқариш бўйича туман ишчи гуруҳига хулоса киритади.	Мавсум давомида
	Туман (Қувасой шаҳар) ишчи гуруҳи	Ишчи орган томонидан аниқланган камчиликлар тўғрисидаги маълумот асосида талабгорни унинг иштирокида манзилли рўйхатдан чиқариш масаласини кўриб чиқади ва тегишли хулоса қабул қилади.	Заруратга кўра
3-босқич	Талабгорлар (Жисмоний ва юридик шахслар)	Субсидия олиш учун туман ишчи гуруҳига қуйидагиларни илова қилган ҳолда ариза билан мурожаат қилади: биологик химоя усули қўлланилган майдонлар; биологик химоя воситаларини харид қилишга сарфланган маблағлар миқдори; агрокимёвий лаборатория таҳлили натижалари; қишлоқ хўжалиги маҳсулотлари экспорт қилинганлигини тасдиқловчи ҳужжатлар; талабгорнинг тижорат банкларидаги асосий ҳисобварағи.	Ҳар йили 1 ноябрга қадар
4-босқич	Туман (Қувасой шаҳар) ишчи гуруҳи	1. Талабгорнинг жорий йилда қишлоқ хўжалиги маҳсулотлари экспорт қилинганлигини тасдиқловчи ҳужжатларини таҳлил қилади. 2. Талабгорга тегишли ер участкасидан олинган лаборатория таҳлил натижаларини ўрганади. 3. Талабгор томонидан биологик химоя воситаларни харид қилишга сарфланган маблағларни далолатнома асосида расмийлаштиради. 4. Субсидия ажратиш тўғрисидаги хулосаларни умумлаштиради ва уларнинг рўйхатини ҳудудий ишчи гуруҳига тақдим қилади.	3 иш кунда
5-босқич	Ҳудудий ишчи гуруҳи	1. Субсидия ажратишга тавсия қилинган талабгорлар рўйхатини таҳлил қилади ва умумлаштиради. 2. Умумлаштирилган рўйхатни Қишлоқ хўжалиги вазирлигига тақдим қилади.	5 иш кунда
6-босқич	Ўзбекистон Республикаси Қишлоқ хўжалиги вазирлиги	1. Тақдим этилган рўйхатларни ўсимликлар карантини ва химояси агентлиги ҳамда Ўзбекистон фермер, деҳқон хўжаликлари ва томорқа ер эгалари кенгаши билан биргаликда кўриб чиқади ва тасдиқлайди. 2. Талабгорларнинг биологик химоя усулини қўллаш харажатларининг бир қисмини қоплаб бериш мақсадида уларнинг тижорат банкларидаги асосий ҳисобварақларига субсидияни ўтказиб беради.	10 иш кунда Ҳар йили 1 декабрга қадар

Экспортбоп қишлоқ хўжалиги
маҳсулотларини етиштиришда биологик
ҳимоя усулини қўллашни рағбатлантириш
тартиби тўғрисидаги низомга
2-илова

Экспортбоп қишлоқ хўжалиги маҳсулотларини етиштиришда
биологик ҳимоя усулини қўллашнинг манзилли рўйхатини шакллантириш
бўйича ҳудудий ишчи гуруҳнинг
НАМУНАВИЙ ТАРКИБИ

Т/р	Ф.И.О.	Лавозими
1	<i>Лавозими буйича</i>	- Қорақалпоғистон Республикаси Вазирлар Кенгаши Раиси, вилоятлар ҳокимларининг қишлоқ ва сув хўжалиги масалалари бўйича ўринбосарлари ва Тошкент шаҳар қишлоқ хўжалиги бошқармаси бошлиғи, ҳудудий ишчи гуруҳ раҳбари
2	<i>Лавозими буйича</i>	- Қорақалпоғистон Республикаси Ўсимликлар карантини ва ҳимояси агентлиги, вилоятлар ва Тошкент шаҳар Ўсимликлар карантини ва ҳимояси бошқармаси бошлиғи, ҳудудий ишчи гуруҳ раҳбари ўринбосари
3	<i>Лавозими буйича</i>	- Қорақалпоғистон Республикаси Қишлоқ хўжалиги вазири, вилоятлар қишлоқ хўжалиги бошқармаси бошлиғи
4	<i>Лавозими буйича</i>	- Агросаноат мажмуи устидан назорат қилиш инспекциясининг Қорақалпоғистон Республикаси ва вилоятлар ҳудудий бошқармаси бошлиғи
5	<i>Лавозими буйича</i>	- Қорақалпоғистон Республикаси Молия вазири, вилоятлар ва Тошкент шаҳар молия бошқармаси бошлиғи
6	<i>Лавозими буйича</i>	- Қорақалпоғистон Республикаси ва вилоятлар фермер, деҳқон хўжаликлари ва томорқа ер эгалари кенгаши раиси
7	<i>Лавозими буйича</i>	- Қорақалпоғистон Республикаси, вилоятлар ва Тошкент шаҳар ўсимликлар карантини ва ҳимояси бошқармаси мутахассиси, ишчи гуруҳ котиби

Экспортбоп қишлоқ хўжалиги
маҳсулотларини етиштиришда биологик
ҳимоя усулини қўллашни рағбатлантириш
тартиби тўғрисидаги низомга
3-илова

Экспортбоп қишлоқ хўжалиги маҳсулотларини етиштиришда биологик ҳимоя
усулини қўллашнинг манзилли рўйхатини шакллантириш
бўйича туманлар ишчи гуруҳининг
НАМУНАВИЙ ТАРКИБИ

Т/р	Ф.И.О.	Лавозими
1	Лавозими буйича	- туман (Қувасой шаҳар) ҳокими, ишчи гуруҳ раҳбари
2	Лавозими буйича	- Ўсимликлар карантини ва ҳимояси туман (Қувасой шаҳар) бўлими бошлиғи, ишчи гуруҳ раҳбарининг ўринбосари
3	Лавозими буйича	- туман (Қувасой шаҳар) ҳокимининг қишлоқ ва сув хўжалиги масалалари бўйича ўринбосари
4	Лавозими буйича	- Агросаноат мажмуи устидан назорат қилиш инспекцияси туманлар (Қувасой шаҳар) бўлими бошлиғи
5	Лавозими буйича	- туман (Қувасой шаҳар) молия бўлими бошлиғи
6	Лавозими буйича	- туман (Қувасой шаҳар) фермер, деҳқон хўжаликлари ва томорқа ер эгалари кенгаши раиси
7	Лавозими буйича	- хизмат кўрсатувчи тижорат банки туман (Қувасой шаҳар) филиали раҳбари
8	Лавозими буйича	- туман (Қувасой шаҳар) қишлоқ хўжалиги бўлими бошлиғи
9	Лавозими буйича	- Ўсимликлар карантини ва ҳимояси туман (Қувасой шаҳар), бўлими мутахассиси, ишчи гуруҳ котиби

Экспортбоп қишлоқ хўжалиги
маҳсулотларини етиштиришда биологик
ҳимоя усулини қўллашни рағбатлантириш
тартиби тўғрисидаги низомга
4-илова

Экспортбоп қишлоқ хўжалиги маҳсулотларини етиштиришда
биологик ҳимоя усулини қўллаш бўйича манзилли рўйхатга кириш учун
туманлар ишчи гуруҳига
АРИЗА

_____ томонидан
(қишлоқ хўжалиги маҳсулоти ишлаб чиқарувчи жисмоний ёки юридик шахс раҳбари Ф.И.О.)
_____ туманидаги _____ ҳудудда фаолият кўрсатаётган
_____ нинг жами экин ер майдони _____ гектар,
(юридик шахс номи)

шундан _____ гектари боғ, _____ гектари токзор ва _____ гектарига
бошқа қишлоқ хўжалиги экинлари экилади.

20__ йилда экин майдонларининг жами _____ гектарига, шундан ғўза
майдонларининг _____ гектарига, донли экинлар майдонининг _____ гектарига,
сабзаёт экинлари майдонининг _____ гектарига, картошка экилган майдоннинг
_____ гектарига, полиз ва бошқа экинлар экилган майдоннинг _____ гектарига,
боғ ва токзорлар майдонининг _____ гектарига биологик усул жорий этилади.

_____ ни қишлоқ хўжалиги маҳсулотлари етиштиришда
(юридик шахс номи)
биологик усулни қўллашнинг манзилли рўйхатига киритишингизни сўрайман.

_____ раҳбари _____
(юридик шахс номи) (имзо) (Ф.И.О.)

Экспортбоп қишлоқ хўжалиги
маҳсулотларини етиштиришда биологик
ҳимоя усулини қўллашни рағбатлантириш
тартиби тўғрисидаги низомга
5-илова

**Экспортбоп қишлоқ хўжалиги маҳсулотларини етиштиришда биологик
ҳимоя усулини қўллаш бўйича манзилли рўйхатига киритиш юзасидан
ХУЛОСА**

_____ томонидан
(қишлоқ хўжалиги маҳсулоти ишлаб чиқарувчи жисмоний шахс ёки юридик шахс раҳбари Ф.И.О.)
_____ тумандаги _____ ҳудудида фаолият кўрсатаётган
_____ ниннг 20 _____ йилда экиладиган экинларининг жами
(юридик шахс номи)
_____ гектарига, шундан пахта _____ гектар, донли экинлар _____ гектар,
сабзавот _____ гектар, картошка _____ гектар, полиз _____ гектар ва бошқа экинлар
_____ гектар ва _____ гектар боғ ва токзорларга биологик усул қўлланилади.
_____ ни қишлоқ хўжалиги маҳсулотлари
(юридик шахс номи)
етиштиришда биологик усулни қўллашнинг манзилли рўйхатига киритиш мақсадга
мувофиқ (мувофиқ эмас).

Ишчи гуруҳ аъзолари

Т/р	Ф.И.О	Лавозими
1	<i>Лавозими бўйича</i>	- туман (Қувасой шаҳар) ҳокими, ишчи гуруҳ раҳбари
2	<i>Лавозими бўйича</i>	- туман (Қувасой шаҳар) ҳокимининг қишлоқ ва сув хўжалиги масалалари бўйича ўринбосари, ишчи гуруҳ раҳбарининг ўринбосари
3	<i>Лавозими бўйича</i>	- Ўсимликлар карантини ва ҳимояси туман (Қувасой шаҳар) бўлими бошлиғи
4	<i>Лавозими бўйича</i>	- Агросаноат мажмуи устидан назорат қилиш инспекцияси туман (Қувасой шаҳар) бўлими бошлиғи
5	<i>Лавозими бўйича</i>	- туман (Қувасой шаҳар) молия бўлими бошлиғи
6	<i>Лавозими бўйича</i>	- туман (Қувасой шаҳар) фермер, деҳқон хўжаликлари ва томорка ер эгалари кенгаши раиси
7	<i>Лавозими бўйича</i>	- хизмат кўрсатувчи тижорат банки туман (Қувасой шаҳар) филиали раҳбари
8	<i>Лавозими бўйича</i>	- туман (Қувасой шаҳар) қишлоқ хўжалиги бўлими бошлиғи
9	<i>Лавозими бўйича</i>	- Ўсимликлар карантини ва ҳимояси туман (Қувасой шаҳар), бўлими инспектори, ишчи гуруҳ котиби

Экспортбоп қишлоқ хўжалиги
маҳсулотларини етиштиришда биологик
ҳимоя усулини қўллашни рағбатлантириш
тартиби тўғрисидаги низомга
6-илова

Экспортбоп қишлоқ хўжалиги маҳсулотларини етиштиришда биологик
ҳимоя воситаларини харид қилишга сарфланган маблағларни
қоплаб бериш (субсидия) учун
АРИЗА

_____ туманидаги _____ худудида
фаолият кўрсатаётган _____
(юридик шахс номи) --- _____ томонидан 20 __ йилда

жами _____ гектарда, жумладан, _____ рақамли контурдаги _____ гектар,
_____ рақамли контурдаги _____ гектар, _____ рақамли контурдаги
_____ гектар, _____ рақамли контурдаги _____ гектар майдонда биологик
усулни қўллаган ҳолда қишлоқ хўжалиги маҳсулотлари етиштирилди.

Ушбу маҳсулотларни етиштиришда биологик ҳимоя воситаларини харид қилишга
_____ сўм харажат қилинди.

_____ томонидан 20 __ йилда экспортбоп
(юридик шахс номи)
қишлоқ хўжалиги маҳсулотларини етиштиришда биологик ҳимоя воситаларини харид
қилишга сарфланган маблағларнинг бир қисмини қоплаб бериш (субсидия)да амалий
ёрдам беришингизни сўрайман.

_____ раҳбари _____
(юридик ва жисмоний шахс номи) (имзо) (Ф.И.О.)

